



TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
MODEL C
MINGGU 20 Dob Trinitatis, 02 Nov 2025



TOPIK: “Naibata Manangihon dilo-dilo ni Juak-juak Ni”

1. Votum – Introitus – Tonggo

P : Riap ma hita jongjong!

: **Ibagas goran ni Naibata Bapa, pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen.**

K : Amen

a. Psalmen 23:1–6

P : Jahowa do Siparmahan ahu,

K : Seng anjai hurangan ahu.

P : Ipatudu do ahu bani sampalan na mombur,

K : Anjaha itogu-togu do ahu hu bah parsaranan.

P : Ipahisar do tonduyhu,

K : Itogu do ahu bani dalan hapintoron halani goran-Ni in.

P : Age pe mardalan ahu bani lombang bagas ni hagolapan, seng mabiar ahu,

K : Ai Ham do mangkasomani ahu; tungkot-Mu pakon simambu-Mu do na mangapohi ahu.

P : Ham do na mangidangi ahu i lobei ni munsuhku,

K : Iminaki Ham do ulungku anjaha sirnib do panginumanku.

P : Dear layak ampa idop ni uhur do mangirik-irik ahu sadokah goluhku;

K : Janah sihol do marianan ahu i rumah ni Jahowa sadokah ni dokahni.

P : Haleluya, Haleluya, Haleluya.

K : (Mandodingkon)Ha-le - lu – ya-Ha-le - lu – ya-Ha-le - lu – ya

P : Martonggo ma hita!

Ham Jahowa Naibata Siparmahan bannami, tarima kasih ma isombahkon hanami hu Bamu halani iparmahani Ham do hanami das hubani sadari on marhitei na pasirsirhon haganup na porlu bani goluhnami. Ihatarimakasihkon hanami do haganup panobus-Mu in marhitei parsombahonnami panorang on. Halani ai,

ondos Bamu ma parsombahonnami on na gabe hiteinami mamuji pakon pasangapkon Ham. Pargogohi janah ajari Ham ma hanami mangkagoluhkon dear layak ampa idop ni uhur-Mu, na gabe hataridahan ni hasaksian nami na dob mananda Ham. Holong ma atei-Mu, Ham Naibatanami, jalo Ham ma tonggo pakon pamujionnami on marhitei Tuhan Jesus Kristus Siparmahan bannami. Amen. *(hundul kuria)*

2. Mandoding Haleluya 406. Hatahononta Diatei Tupa ma (1+2); do = d

1. Hatahononta diatei tupa ma, ai Negaranta tanoh na lambut

Laut bolag dologni pe ratah, talun jenges ampar do haganup

In haganupan pasu-pasu-Ni, simada kuasa Tuhan Naibata

In haganupan pasu-pasu-Ni, simada kuasa Tuhan Naibata

2. Sanggah poltak mataniari in, martitalas bai sogodni in,

Morum mangerbang bunga-bunga in, irandu doding ni bossala in

In haganupan pasu-pasu-Ni, simada kuasa Tuhan Naibata

In haganupan pasu-pasu-Ni, simada kuasa Tuhan Naibata

3. Hasasapan ni Dousa

Paragenda : Riap ma hita jongjong!

Martonggo ma hita, sopotkon hita ma dousanta hubani Tuhan Naibata! Ham Tuhan Naibata Bapanami, na pansing janah pargogoh na so tarimbang. Ibagas unduk ampa toruh ni uhur, roh do hanami mansopotkon dousanami na banggal in. Gati do hanami lang martenger ni uhur hu Bamu; maruhur sangsi janah taruyun bani na masa i tanoh on. Hotop do soya pangkopkopon-Mu in ibahen hanami. Lang humbani gok ni uhurnami mangkaholongi Ham. Hapansingon pakon hasintongan-Mu pe gati do ipabutak hanami ibagas dirinami, aima halani hagalekon pakon hurang ni haporsayaonnami hu Bamu. Bani haganupan dousanami in, marpangulaki ma uhur-Mu bannami. Ibagas Jesus Kristus sihopkop hanami.

..... (Saat Teduh).....

Riap ma hita mangindo!

Kuria : Ham Naibata, idop ma uhur-Mu bangku pardousa on.

Paragenda : Ham Tuhan Naibata, paridop ni uhur ampa parholong atei hubani haganupjolma. Ihasiholi uhur-Mu do ase manggoluh hanami ibagas holong, damei ampa halayakon-Mu. Tapi gati do hanami lang mangasup mandalankon in dompak hasomannami. Hasadaon i tongah-tongahnami pe

lape songon na hinarosuhkon-Mu. Buei do halak na hiranani bani buah-buah ni haporsayaonnami. Hajongjongannami selaku garam pakon panondang, in pe gati do lang ihagoluhkon hanami. Bani haganupan hahurangan pakon dousanami in, marpanganju ma Ham bannami.

..... (Saat Teduh).....

Riap ma hita mangindo!

Kuria : Ham Naibata, idop ma uhur-Mu bangku pardousa on.

Paragenda : Ham Tuhan Naibata Bapanami, simada kuasa ampa na gok hasintongan. Domma ipilih janah ipapansing Ham hanami marhitei Anak-Mu Jesus Kristus. Tapi gati do lang ihajongjongkon hanami pandiloon ampa parsuruh-Mu in. Pingkiran ampa horjanami ari-ari pe, gati do lang songon na hinarosuhkon ni uhur-Mu. Age pasu- pasu na binere-Mu in pe, gati do ibahen hanami gabe dalan laho manundalhon Ham. Ronsi tanggungjawabnami laho manramotkon na tinompa-Mu marhitei na melestarihon lingkungan hidup, ai pe gati do lolei hanami. Bani haganupan panlaosionnami in, idop ma uhur- Mu, sasap Ham ma dousanami in. Amen.

..... (Saat Teduh).....

Riap ma hita mangindo!

Kuria : Ham Naibata, idop ma uhur-Mu bangku pardousa on.

Paragenda : Tangar anjaha haporsayai hita ma Hata ni Naibata, bagah-bagah pasal hasasapan ni dousa.

Mangkopkop haganup do la matei, ase ulang manggoluh bani dirini bei na manggoluh in, tapi ase manggoluh sidea Bani, na dob matei anjaha mulak manggoluh mangkopkop sidea. (2 Korint 5:15).

P : Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

P/K : Amen!. (hundul kuria)

4. Mandoding Halleluya 237. Roh Ham bai Jesus, Roh Ham Botul (1+4); do = bes

1. Roh ham bai Jesus, roh ham botul, tangar hata-Ni jalo bujur.
Na roh do Jesus pagoluh ham, asal porsaya ham.
Malas do uhurta in use, ai borsih hun bani dousa pe;
Sai roh ma hita hu surga in, ai sonang do ijin.

4. Roh ham bai Jesus, ai holong do, uhur-Ni bani halak na roh ;
Ai ipaluah tonduyta in, ulang be magou in.
Malas do uhurta in use, ai borsih hun bani dousa pe;
Sai roh ma hita hu surga in, ai sonang do ijin.

5. SIBASAON:

Paragenda : Tangar hita ma Hata ni Naibata na tarsurat bani:

JAKOBUS 5:12-18 (Paragenda mambasahon Sibasaon Minggu/Pesta sadari ni ai, iujungi marhitei hata:)

Amen. Martuah do na manangar Hata ni Naibata anjaha na marimbagashonsi!

Kuria : Amen.

6. Mandoding 307. Bani na Martonggo Ahu (1-3) do = f

1. Bani na martonggo ahu hu Bamu o Tuhankin.
Ajar Ham ma au manjalo ganup na binere-Mu.
Mangakuhon songon Jesus bani sitaranon-Niin.
Seng rosuhku pasaudonku pitah rosuhmu Tuhan.

2. Atap aha husurahon na dear bai goluhkon.
Bahen Ham au pambalosi bani ganup rosuh-Mu.
Mangauhon 'pa porsaya 'ge galek pe uhurhon.
Seng rosuhku pasaudonku pitah rosuhmu Tuhan.

3. Hupindahi apoh-apoh pitah bani holong-Mu
Sanggah na tarsosak ahu Ham ma na manogu au
Mangakuhon songon Jesus bani sitaronon-Nin
Seng rosuhku pasaudonku pitah rosuhmu Tuhan

7. Hata Haporsayaon

P : Riap ma hita jongjong! Saksihon hita ma haporsayaonta in, songon na sinaksihonni haganup halak na porsaya i sab tanoh on.

P+K: Ahu porsaya bani Naibata Bapa, pargogoh na so tarimbang, na manompa langit pakon tanoh on.

Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei Tonduy na Pansing, na manaron na parngit, bani panorangni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei.

Ahu porsaya bani Tonduy Na Pansing, bani Kuria parsadaan na mapansing in, parsaoan ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen..(hundul kuria)

8. Mandoding Halleluya 338. Togu Ham ma Au (1+2) do = as

1. Togu Ham ma au o Tuhan bai goluh dunia on
Na gogoh do Ham parholong, togu au na galek on
Roti surga, roti surga, in ma sipanganonkin
in ma hagoluhankin

2. Bere Ham bah hagoluhan na pamalum uhurhon
Ham mardalan i lobeihu rapkon tiang hambun in
Ham Jesusku, Ham Tuhanku, Ham na gabe gantarhin
Ham ma haluahonkin

9. Tingting + Manonggohon isi tingting

10. Mandoding Halleluya 410. O Tuhan Tangihon Hanai on (1+3)do=es

1. O Tuhan tangihon hanai on, balosi pangindouan nami
Sai paluah Ham hanami on, humbani dousani dunia on

3. Pasu-pasu hanai on ganup, na ra pongkut ibagas horja-Mu.
In ma na mangarap hu Bamu, parholong janah porsaya Bamu.

11. Tonggo Pangapition Pakon Tonggo Ham Bapanami :

Paragenda : Riap ma hita jongjong!

Martonggo ma hita. (Manonggohon na porlu/khusus)..... Amen.

Riap ma hita martonggo marhitei tonggo na niajarhon ni Tuhan Jesus hubanta.

P+K: Ham Bapanami na i nagori atas..... Amen. (hundul kuria)

12. Mandoding 386. Agepe Sungkod Mata Manonggor (1+3) do=bes

1. Agepe sukkod mata manonggor
Seng anjai sukkod, holongni Tuhanta.
Seng ipaturut, hita on tarbador,
asal tangihon hata-Ni in.

3. Pongkut martonggo, ungkab uhurmu,
sai jalo Jesus baen batatarmu,
Napaluahkon ronsi namarmudu,
asal tangihon hata-Ni in.

13. Ambilan: Nehemia 1: 1-11

14. Manggalang

P : Paima iondoskon hita galanganta, tangar hita ma lobei hata ni Naibata na gabe onjolan banta laho manggalang aima na tarsurat bani Psalmen 116:17-18:
“Bamu ma galangkononku galangan puji- pujian, anjaha goran ni Jahowa ma padilo-
diloonku. Bagah- bagahku bani Jahowa, hugalari ma, hugalari ma i lobei ni haganup
bangsa-Ni””. Sonari ondoskon hita ma galanganta! (*diiringi musik/doding*)

Ondos Ganupan Bani Tuhan

Anggo seng jahowa na pauli rumah

Soya-soya do si panukangni in

Anggo seng Jahowa na manramotkon huta

Soya-soya do halak na manjaga

Ondos ganupan bai sagala horjamu

Ondos bai Tuhan ganup pikkiran min

*Ai bani Tuhan torsa do ganupan
 Sai marondos ma hita ganup
 Ge girah pe puho lang ondos bani Tuhan
 Soya-soya do na i pikkahni in
 Ge dokah pe modom lang dong i bagas Tuhan
 Soya-soya do na i horjahon in
 Ondos ganupan bai sagala horjamu
 Ondos bai Tuhan ganup pikkiran min
 Ai bani Tuhan torsa do ganupan
 Sai marondos ma hita haganup*

15. **Tonggo Panutup/Pasu-pasu**

P : Riap ma hita jongjong!

Martonggo ma hita mangondoskon galanganta hubani Naibata:

Ham Tuhan Naibata Bapanami, harohan ni haganup. Hun Bamu do harohan ni pasu-pasu hu bannami. Ibere Ham do bannami goluh ampa hagoluhan ari-ari. Ham Tuhan, ijon iondoshon hanami do hu Bamu goluh pakon pasu-pasu na dob binere-Mu in bannami. Sai lambin margogoh ma tongon hanami ihasomani idop ni uhur-Mu ampa pasu-pasu-Mu bani na mandalankon horjanami. Papansing Ham ma galangan na ginalangkonnami on gabe galangan na misbou i lobei-lobei-Mu, ase lambin ihargahon hanami tongon dear ni layak pakon pasu-pasu-Mu in marhitei na pasaudhon harosuh-Mu humbani gogoh, pingkiran ampa sinadongannami. Tarima kasih ma Bamu Tuhan. Marhitei Kristus Jesus Tuhannami, jalo Ham ma galangan pakon tonggonami on. Amen.

P/K : *(Mandodingkon Halleluya No. 12:3)*

3. Tonduy, daging uhur ampa gogoh nin,
 Ulang bai na sambor, sai Bamu ma in!
 Ningon gok Bamu ma au hinopkop-Mu.
 Ase saud martuah au jabolon-Mu.

16. **Paingkatkon**

P. Laho ma nasiam, janah “Totap ma nasiam, ulang mubah-ubah, anjaha lambin surung ma ibagas horja ni Tuhan in, ai ibotoh nasiam, sedo na soya halojaonnasiam ibagas Tuhan in” (1 Korint 15:58)

17. **Pasu-pasu**

P. **Jalo ham (hita) ma pasu-pasu humbani Tuhan Naibatanta:**

Ipasu-pasu anjaha iparorot Tuhan Naibata ma ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakkon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduymu (tonduyta bei). Amen.

P+K. **Amen, Amen, Amen!.** *(mandodingkon)*